

## **Zaključak**

**o odbacivanju Prijave koncentracije  
gospodarskog subjekta “w&p Milos Kamen-Beton “ d.o.o. Plješevac bb., Kiseljak,  
Bosna i Hercegovina**

**Sarajevo,  
studeni, 2012. godine**

**Broj: 03-26-1-008-14-II /12  
Sarajevo, 27.11.2012. godine**

Na temelju članka 25. stavak (1) točka e), članka 42. stavak (2), u svezi s čl. 14. i 16. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije gospodarskog subjekta „w&p Milos Kamen-Beton“ d.o.o. Plješevac bb, Kiseljak, Bosna i Hercegovina, kojeg zastupaju odvjetnici Zajedničkog odvjetničkog ureda Bojana Tkalčić-Đulić, Olodar Prebanić, Adela Rizvić i Arela Jusufbašić-Goloman, Alipašina 51, 71000 Sarajevo, zaprimljenoj dana 06.08.2012. godine pod brojem 03-26-1-008-II /12, Konkurencijsko vijeće, na 47. (četerdesetsedmoj) sjednici održanoj dana 27.11.2012. godine, je donijelo

### **Z A K L J U Č A K**

1. Odbacuje se Prijava koncentracije gospodarskog subjekta „w&p Milos Kamen-Beton“ d.o.o. Plješevac bb, Kiseljak, Bosna i Hercegovina, radi nepostojanja obveze prijave koncentracije u smislu članka 14. stavak (1) Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 06.08.2012. godine zaprimilo Prijavu koncentracije (u daljem tekstu: Prijava) od strane gospodarskog subjekta „w&p Milos Kamen-Beton“ d.o.o. Plješevac bb., Kiseljak, Bosna i Hercegovina (u daljem tekstu: Podnositelj prijave ili w&p Milos KB) kojeg zastupaju advokati Zajedničke advokatske kancelarije Bojana Tkalčić-Đulić, Olodar Prebanić, Adela Rizvić i Arela Jusufbašić-Goloman, Alipašina 51, 71000 Sarajevo, kojom isti namjerava izvršiti pripajanje dijela gospodarskog subjekta „House Milos“ d.o.o. Ilidža, ul. Rudnik br. 115, Ilidža, Bosna i Hercegovina (u daljem tekstu: House Milos).

Konkurencijsko vijeće je utvrdilo da Prijava nije kompletna i uredna u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija gospodarskih subjekta („Službeni glasnik BiH“, broj 34/10 ) te je zatražilo dopunu iste, dana 03.09.2012. godine aktom broj 03-26-1-008-1-II/12.

Podnositelj prijave, u smislu članka 31. stavak (2) Zakona, je zatražio produženje vremenskog roka za kompletiranje Prijave (podnesak broj: 03-26-1-008-2-II/12 dana 07. 09. 2012. godine), nakon čega je Konkurencijsko vijeće prihvatilo zahtjev i odobrilo produženje roka za dostavljanje tražene dokumentacije (akt broj: 03-26-1-008-3-II/12 od dana 12.09. 2012. godine).

Podnositelj prijave je istu dopunio traženom dokumentacijom (podnesak broj: 03-26-1-008-4-II/12 dana 27.09. 2012. godine).

Nakon kompletiranja Prijave, Konkurencijsko vijeće je Podnositelju prijave izdalo Potvrdu o prijemu uredne i kompletne Prijave u smislu članka 30. stavak (3) Zakona, dana 30.10.2012. godine pod brojem: 03-26-1-008-11-II/12.

Konkurencijsko vijeće je izdalo, u skladu sa člankom 16. stavak (4) Zakona, Obavjest o dostavljenoj Prijavi (akt broj: 03-26-1-008-5-II/12 od 15.10. 2012. godine) u dnevnoj štampi Bosne i Hercegovine, u kojoj je objavilo podatke o namjeravanoj koncentraciji, te pozvalo sve zainteresirane strane na dostavljanje pisanih komentara u pogledu provedbe iste.

Na predmetno Obavještenje Konkurencijskom vijeću su dostavljene primjedbe i mišljenja od strane dva gospodarska subjekta, i to primjedba i mišljenje gospodarskog subjekta Metal-Export d.o.o.

Sarajevo, A.B. Šimića 2a, Sarajevo, podnesak broj: 03-26-1-008-7-II/12 od 19.10. 2012. godine i primjedba i mišljenje gospodarskog subjekta Veling d.o.o. Sarajevo, Hamdije Čemerlića 47a, Sarajevo, podnesak broj: 03-26-1-008-8-II/12 od 23.10. 2012. godine.

Analizirajući dostavljene primjedbe i mišljenja Konkurencijsko vijeće je ustvrdilo da se navedeni gospodarski subjekti nalaze u vjerovnično-dužničkom odnosu sa gospodarskim subjektom House Milos, te da od istog potražuju određene novčane iznose, temeljem presuda Općinskog suda u Sarajevu, (presuda broj: 650-Ip-198659-11-Ip od 03.06.2011. godine i presuda broj: 650-PS-106-839-09-PS od 06.05.2011. godine).

Konkurencijsko vijeće nije ocijenilo mjerodavnim za ovaj predmet dostavljene primjedbe i mišljenja jer one ne mogu imati nikakav utjecaj na konačnu odluku Konkurencijskog vijeća, s obzirom da se u njima ne iznose nikakve okolnosti koje bi mogle ukazivati na eventualne povrede Zakona o konkurenciji.

Prijava koncentracije je podnesena u zakonom propisanom roku, u smislu članka 16. stav (1) Zakona o konkurenciji.

Podnositelj prijave je u Prijavi naveo, u smislu članka 30. stavak (2) Zakona, da nema obvezu podnijeti zahtjev za ocjenu koncentracije tijelima ovlaštenim za ocjenu koncentracije izvan Bosne i Hercegovine.

## **1. Učesnici predmetne koncentracije**

Učesnici koncentracije su gospodarski subjekti „w&p Milos Kamen-Beton“ d.o.o. Plješevac bb, Kiseljak, Bosna i Hercegovina i „House Milos“ d.o.o. Ilidža, ul. Rudnik broj 115, Ilidža, Bosna i Hercegovina.

### **1.1. Gospodarski subjekt w&p Milos KB**

Gospodarski subjekt w&p Milos KB je društvo ograničene odgovornosti osnovano i registrovano sukladno sa zakonima Federacije Bosne i Hercegovine, sa sjedištem u Plješevac bb, Kiseljak, Bosna i Hercegovina, upisano u registar gospodarskih subjekata kod Općinskog suda u Travniku pod brojem 51-01-1703-09, sa ukupnim osnivačkim kapitalom od 2.292.857,00 KM, sa (..)\*\* učešća gospodarskog subjekta w&p Bautoffe GmbH, 9020 Klagenfurt, Ferdinand-Jergitsch Strasse 15, Austrija (u daljem tekstu: w&p Baustoffe) i (..)\*\* učešća fizičkog lica (..)\*\*<sup>1</sup>.

Pretežne registrirane djelatnosti gospodarskog subjekta w&p Milos KB su vađenje ukrasnog kamena i kamena za gradnju (kamenih agregata), krečnjaka, gipsa, krede i škrljevca, te djelatnost kopova šljunka i pijeska.

Gospodarski subjekt w&p Bautoffe je društvo sa ograničenom odgovornošću registrovano sukladno sa zakonima Austrije sa sjedištem u Ferdinand-Jergitsch Strasse 15, 9020 Klagenfurt, Austrija, upisano u registar gospodarskih subjekata kod Pokrajinskog suda u Klagenfurtu pod brojem 288433t.

Pretežna registrirana djelatnost gospodarskog subjekta w&p Baustoffe GmbH je upravljanje i učešće u drugim gospodarskim subjektima.

Gospodarski subjekt w&p Baustoffe u Bosni i Hercegovini ima (..)\*\* vlasničkih udjela u temeljnom kapitalu gospodarskog subjekta BAUMIT d.o.o., Osik 2, 71000 Sarajevo i (..)\*\* vlasničkih udjela u temeljnom kapitalu gospodarskog subjekta „w&p Milos“ d.o.o., ul. Rudnik 121, Sarajevo, koji prema podacima iz prijave nisu aktivni na mjerodavnom tržištu.

---

<sup>1</sup> Podaci predstavljaju poslovnu tajnu

## **1.2. Gospodarski subjekt House Milos**

Gospodarski subjekt House Milos je društvo ograničene odgovornosti utemeljeno i registrirano sukladno sa zakonima Federacije Bosne i Hercegovine, sa sjedištem u ul. Rudnik 115, Ilidža Sarajevo, Bosna i Hercegovina, upisano u registar gospodarskih subjekata kod Općinskog suda u Sarajevu pod brojem 65-01-0275-11, sa ukupnim osnivačkim kapitalom od 1.400.000,00 KM i sa (..)\*\* učešća u kapitalu fizičkog lica (..)\*\*.

Pretežne registrirane djelatnosti gospodarskog subjekta House Milos su vađenje ukrasnog kamena i kamena za gradnju (kamenih agregata), krečnjaka, gipsa, krede i škriljevca, djelatnost kopova šljunka i pijeska, te proizvodnja cementa i betona.

## **2. Pravni okvir ocjene predmetne koncentracije**

Konkurencijsko vijeće je u postupku ocjene predmetne koncentracije primijenilo odredbe Zakona, Odluke o utvrđivanju mjerodavnog tržišta („Službeni glasnik BiH“, broj 18/06 i 34/10), te Odluke o načinu podnošenja prijave i kriterijima za ocjenu koncentracija gospodarskih subjekata.

Konkurencijsko vijeće, sukladno članku 43. stavak (7) Zakona, pri izračunu ukupnih godišnjih prihoda učesnika koncentracije je koristilo kriterije i standarde Obavijesti Europske komisije o izračunu ukupnog prihoda sukladno Uredbi Vijeća (EEZ) broj: 4064/89 o kontroli koncentracije gospodarskih subjekata.

## **3. Pravni temelj koncentracije**

Pravni temelj koncentracije predstavljaju Ugovor o kupoprodaji pokretnih stvari neposrednom pogodbom, Ugovor o načinu isplate kupoprodajne cijene i Sporazum o prodaji nepokretnosti neposrednom pogodbom, koji su sklopljeni između gospodarskog subjekta w&p Milos KB (kao Kupca), UniCredit Bank d.d. Mostar Ul. Kardinala Stepinca bb, Mostar, Bosna i Hercegovina (kao Založnog povjerioca) i gospodarskog subjekta House Milos (kao Založnog dužnika), dana 01.08.2012. godine.

Pravni oblik koncentracije, sukladno članu 12. stavak (1), točka a) Zakona predstavlja spajanje ili pripajanje neovisnih gospodarskih subjekata ili dijelova gospodarskih subjekata.

## **4. Mjerodavno tržište učesnika koncentracije**

Mjerodavno tržište, u smislu članka 3. Zakona, te čl. 4. i 5. Odluke o utvrđivanju mjerodavnog tržišta, čini tržište određenih proizvoda (usluga) koje su predmet obavljanja djelatnosti na određenom geografskom tržištu.

Prema odredbi članka 4. Odluke o utvrđivanju mjerodavnog tržišta, mjerodavno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članku 5. Odluke o utvrđivanju mjerodavnog tržišta, mjerodavno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini mjerodavnog proizvoda pod jednakim ili dovoljno ujednačenim uvjetima koje to tržište bitno razlikuje od uvjeta tržišne konkurencije na susjednim geografskim tržištima.

Na temelju svega navedenoga, a uzimajući u obzir podatke iz prijave o predmetu poslovanja učesnika koncentracije, te posebno činjenice da je predmet koncentracije u svom pretežnom dijelu kupoprodaja sredstava koja se koriste u proizvodnji betona i kamena za gradnju (kamenih agregata), mjerodavnim

tržištem proizvoda može se smatrati tržište proizvodnje i prodaje betona i kamena za gradnju (kamenih agregata).

Mjerodavnim tržištem u geografskom smislu smatra se tržište Sarajevskog i Zeničko-dobojskog kantona s obzirom na limitiranost konkurentnog transporta na daljinu koji je ograničen troškovima transporta i vremenom ugradnje betona.

Slijedom navedenog, mjerodavno tržište predmetne koncentracije je tržište proizvodnje i prodaje betona i kamena za gradnju (kamenih agregata) na području Sarajevskog i Zeničko-dobojskog kantona.

## 5. Analiza mjerodavnog tržišta

Tržišni udjeli gospodarskih subjekata učesnika koncentracije na mjerodavnom tržištu na dan 31.12.2011. godine, prikazani su u narednim tabelama:

### Tržište betona:

Tabela 1.

Red. Broj	Gospodarski subjekti	Učešće (%)
1.	TBG BH d.o.o. Sarajevo	(..)**
2.	AB Put d.o.o. Sarajevo	(..)**
3.	<b>House Milos</b>	(..)**
4.	Velbos d.o.o. Sarajevo	(..)**
5.	Transport beton d.o.o. Kiseljak	(..)**
6.	Almy d.o.o. Zenica	(..)**
7.	<b>Ukupno</b>	(..)**

Izvor:Prijava

### Tržište kamena za gradnju (kamenih agregata):

Tabela 2.

Red. Broj	Gospodarski subjekti	Učešće (%)
1.	Nexe d.o.o. Sarajevo	(..)**
2.	Bijele Vode d.o.o. Trnovo	(..)**
3.	GP Put d.d. Sarajevo	(..)**
4.	Sigma Hidrogradnja d.d. Sarajevo	(..)**
5.	<b>Hose Milos</b>	(..)**
6.	<b>W&amp;p Milos KB</b>	(..)**
7.	Ostali	(..)**
8.	<b>Ukupno</b>	(..)**

Izvor:Prijava

Analizom navedenih podataka Konkurencijsko vijeće je utvrdilo da zajedničko tržišno učešće učesnika koncentracije na mjerodavnom tržištu nije veće od 40%, jer će nakon provedbe koncentracije w&p Milos KB preuzeti tržišno učešće od House Milosa (Tabela 1.) na tržištu betona, dok će na tržištu kamena za gradnju (kamenih agregata) doći do zamjene pozicija na tržištu, odnosno tržišno učešće House Milosa će se smanjiti za (..)\*\*\*, dok će se za istu vrijednost povećati učešće w&p Milos KB (Tabela 2.).

## 6. Obaveza prijave namjere koncentracije

Obaveza prijave koncentracije gospodarskih subjekata, u smislu članka 14. stavak (1) točke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom nivou iznose 100.000.000,00 KM, po završnom računu u godini koja je prethodila predmetnoj koncentraciji i da ukupan prihod svakog od najmanje dva gospodarska subjekta učesnika koncentracije ostvarena prodajom roba i/ili usluga na tržištu Bosne i Hercegovine iznosi najmanje

8.000.000,00 KM, ili ako je zajednički tržišni udio učesnika koncentracije na mjerodavnom tržištu veći od 40,0%.

Ukupni godišnji prihodi gospodarskih subjekata učesnika koncentracije (i njihovih povezanih gospodarskih subjekata), na dan 31. prosinac 2011. godine:

Tabela 3.

	<b>w&amp;p Milos KB</b>	<b>House Milos</b>	<b>House Milos (dio predmetne koncentracije)</b>	<b>w&amp;p Baustoffe GmbH (..)**</b>
<b>Svijet</b>	-	-		(..)**
<b>BiH</b>	(..)**	(..)**	(..)**	-

Izvor: Podaci iz Prijave

Godišnji prihod učesnika koncentracije predstavlja ukupan prihod (bez poreza na dodanu vrijednost i drugih poreza koji se izravno odnose na učesnike koncentracije na tržištu Bosne i Hercegovine), u smislu članka 8. točka h) Odluke o načinu podnošenja prijave i kriterija za ocjenu koncentracija gospodarskih subjekata.

Člankom 14. stavak (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više gospodarskih subjekta, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova gospodarskog subjekta koji su predmet kontrole koncentracije.

Analizom navedenih podataka utvrđeno je da učesnici predmetne koncentracije ne ispunjavaju uvjete iz članka 14. stavak (1) točka b) Zakona jer ukupan prihod gospodarskog subjekta w&p Milos KB ostvaren prodajom roba i/ili usluga na tržištu Bosne i Hercegovine iznosi manje od 8.000.000,00 KM (Tabela 3.), a zajednički tržišni udio učesnika koncentracije na mjerodavnom tržištu nije veći od 40,0%.

Na temelju naprijed navedenog, utvrđeno je da gospodarski subjekt w&p Milos KB nije bio obavezan podnijeti prijavu koncentracije.

## 7. Administrativna pristojba

Podnositelj prijave na ovaj Zaključak, sukladno sa člankom 2. tarifni broj 108. točka c) Odluke o administrativnim pristojbama u svezi sa procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu pristojbu u ukupnom iznosu od 1.000,00 KM u korist Proračuna institucija Bosne i Hercegovine.

## 8. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

**Predsjednica  
Gordana Živković**

Dostaviti:

- Podnositelju prijave putem punomoćnika
- u spis
- **a/a**